



Naalakkersuisooqatigiinnissamut isumaqatigiissut 2018

Nunarput
- ineriartorfiusoq
- tamanut inissaqartitsisoq

Oktober 2018

TUNNGAVIUSUMIK ISUMAQATIGIISSUT

Siumut, Atassut aamma Nunatta Qitornai qinigaaffimmi 2018-miit 2022-imut Naalakkersuinikkut suleqatigiissallutik isumaqatigiissuteqarput.

Suleqatigiinnermi pingaartillugu isumaqatigiissutaavoq nunarput inuilu pillugit pitsaasumik, tatingartumik, tutsuiginartumik innuttaasullu qitiutillugit Inatsisartuni Naalakkersuisunilu sullissinissaq.

Inuiaqatigiit ineriartornerat nunarsuarmioqatigiinnermilu nukittuumik inissisimanagerat annerulerseqqullugit partiit pineqartut naalakkersuinikkut siunnerfeqatigiillutik sulissapput – Inatsisartuniinnaangitsoq Naalakkersuisuniinnaangitsoq, aammali inuiaqatigiinni tamani suleqatigiinnerup siuarsaavigineqarnissaa ilanngullugu sulissutigineqassaaq.

Partiit akunnerminni isumaqatigiissutigivaat iluarsartuusseqqinnertigut sulissutigineqassasoq innuttaasut atugarisaasa pitsanngorsarnissaat aammalu minnerunngitsumik aningaasarsiornikkut siuariartortitsisoqarnissaa, taamaaliornikkut suliffissat nutaat pilersinneqarsinnaassammata sulisinnaasullu amerlanerusut sulilersinneqarlutik.

Naalakkersuisooqatigiit tatigeqatigiillutik ataqeqatigiillutillu suleqatigiilluarnissartik isumaqatigiissutigaaq. Nunatta sutigut tamatigut toqqissisimanartumik ineriartortinneqarluni siuariartormissaa ataatsimoorfiusumik suliarineqassaaq.

Inuiaqatigiit pisortallu suliassaraat pitsaasunik sinaakkusersuinissaq atugassaqartitsinissarlu, inuit ataasiakkaat sulliviillu ataasiakkaat ineriartorfissaannik.

Naalakkersuisooqatigiit suliniarput pilersikkumallugit Nunatsinni inuiaqatigiit naligiissitaaffiusut, apeqqutaatinnagit sumi inunngorsimaneq, arnaaneq angutaanerluunniit kiisalu sumilluunniit upperisaqarneq. Inuit namminneq inuunerminnut akisussaasariaqarput aamma inunnuat ataatsimoorunullu akisussaaqataasariaqarput. Inuiaqatigiit pitsaasut pilersinneqassappata pisariaqarpoq inuit ataasiakkaat akisussaaffimmik tigusinissaat suleqataallutillu. Inuit ataasiakkaat inuttut akisussaaffiinik arsaartussanngilagut tassa imaappoq nammineersinnaassusiiarneqassanngillat.

Naalakkersuisooqatigiit nassuerutigaaq suliffissaaleqineq inuiaqatigiinni ajornartorsiutit qaangerniagassat annerpaat ilagigaaq, aammalu Namminersorlutik Oqartussat, kommunit aammalu suliffeqarnermi susassaqartut suliassaqarfiit akimorlugit najukkani, nunap immikkoortuini nunalu tamakerlugu assigiinngisitaartunik iliuuseqassallutik. Sulilersitsiniarnerluni periusissaaq nutaaq suliarineqassaaq, tassanilu inuit amerlanerpaat sulilersinneqarnissaat siunertaavoq. Naalakkersuisooqatigiinniit suliffissaaleqinerup 2022-mi 5 %-imut appartinneqassasoq anguniameqarpoq.

Nunatta oqaluttuarisaanerani maannamut suliniutit annersaat nutaanik mittarfinnik pilersitsinissaaq naammassiniarlugu naalakkersuisooqatigiit sulissapput, aammalu erngup nukissiorfissat nutaat sanaartorneqarnissaat anguniarlugu sulissallutik. Mittarfissuarnik sanaartormissaaq angallannikkullu aqqissuusseqqinnissaaq Naalakkersuisooqatigiit partiivisa pingaartimmassuk Naalakkersuisooqatigiit partiillu tapersersuisup Inatsisartuni ilaasortaataasa immikkut atsioqatigiissutaat ilanngussami takuneqarsinnaavoq.

Naalakkersuisooqatigiit suliassat makku ilanngullugit suliariniarpaat:

- Atuartitaanikkut ilinniartitaanikkullu aqqissuusseqqinneq ingerlanneqassaaq
- Piorsarsimassutsikkut nukittorsaaneq ingerlateqqinneqassaaq
- Inunnik isumaginninnikut sullissineq pitsanngorsarneqassaaq
- Innarluutillit pillugit inatsisissaq naammassineqassaaq
- Peqqinnissakkut sullissineq pitsanngorsarneqassaaq
- Ineqarnikkut aqqissuusseqqinneq suliarineqassaaq
- Aalisarneq pillugu inatsit naammassillugu suliarineqassaaq
- Aallaaniarneq piniarnerlu pillugit inatsit nutarterneqassaaq
- Illoqarfinni nunaqarfinnilu tunisassiorfeqarneq piorsaqinneqassaaq
- Inuussutissalerineq pillugu inatsit nunatsinnut naleqqussarneqassaaq
- Inuiaqatigiinnut akuulersitsineq pillugu inatsiseqalissaagut
- Sulisoqarneq pillugu inatsisitigut aqqissuusseqqinnissaq
- Niuerneq niueqatigiinnerlu pillugit inatsisitigut naleqqussaanissaq
- Akileraarutit, akitsuutit, iluanaarusiisarnerlu pillugit inatsisitigut naleqqussaanissaq
- Qinersisarneq pillugu inatsit naleqqussarneqassaaq
- Akisussaaffiit naalagaaffimmiit tigusassavut pillugit tullerriaarissaagut
- Tunngaviumik inatsisissaq pillugu suliat ingerlateqqissavagut.
- Avatangiisit pillugit aningaasaateqarfik pilersinneqassaaq

Nunatsinni innuttaasut atugarisaasa pitsanngorsarnissaat pingaarnerpaatillugu ingerlatsisoqassaaq. Meeqqat, ilaqutariit meerartallit, utoqqaat, innarluutillit, napparsimasut siusinaartumillu pensionisitalit ilinniartullu atugarisaat pitsaanerulersinniarlugit aqqissuusseqqinnerit suliarineqassapput.

Suliffeqarnermi ilanngaat 2020-imiit aallartittumik eqqunneqassaaq isertitakinnernut akunnattumillu isertitaqartartunut annertusiartuaartumik iluaqusiisumik.

Naalakkersuisooqatigiit pisortat ingerlatsiviini tamani allaffissormikkut ingerlatsinerup annikillisarneqarsinnaanera misissussavaat. Ilanggullugu inuiaqatigiinni qaammarsaanerup ingerlaqqinnissaa suliarineqassaaq.

Inatsisartuni aalajangiunneqareersup Tunngaviumik Inatsisiliornissamut isumaliutissiissusior-toqarnissaa Naalakkersuisooqatigiit ingerlateqqinniarlugu isumaqatigiissutigaat.

Ingerlatseqatigiiffissuit pisortanit pigineqartut sorliit, qanoq sukkullu namminersortunngorsarneqarsinnaanerat Naalakkersuisooqatigiit nalilersorniarpaat.

Nunatta kimmut nunamut sanilitsinnut angallannikkut assartuinikkullu attaveqalemisaa Isumaqatigiissuteqartut sulissutigissavaat.

Kiffartuussinissamik isumaqatigiissuteqarnermi pitsaassutsip minnerpaaffissaa qulakkeerneqartassaaq, apeqqutaatinnagu silaannakkut imaatigullu angallassinerneruq. Kommunit kommuneqarfiminni inunnik angallassinikkut nammineq oqartussaalernissaat Isumaqatigiissuteqartut sulissutiginarpaat.

Assartuinikkut ingerlatseqatigiiffiit kisermaassisussaataitanerat nalilersoqqissaarneqassaaq, tunisassiorfiit toqqorsiveqarnikkut ulikkaartoorminni assartuiguasuartarsinnaanerat eqqarsaatigalugu. Nioqqutissanilli assartuinerit il.il. isumannaatsuujarmisaaq qulakkeersimajuarneqassaaq.

Silaannakkut angallannermi nakkutilliisoqarfiup silasiornikkullu upalungaarsimanermut nakkutillii-nerup nunatsinnit akisussaaffigineqalernissaa Isumaqatigissuteqartut anguniarpaat. Uani misissoq-qissaarneqassapput aningaasaqarnikkut sunniutissat aammalu suliaasaqarfiup tiginissaanut pisin-naasat pisariaqartut maannakkut naammattut piginerivut.

Isumaqatigiissuteqartut periarfissaatillugu pingaartippaat inoqarfiit akornanni ilaatigut inuussutis-sarsiormermi inerisaanissaq siunertaralugu aqqusinniorsinnaanerup aqqustissiuunnissaa. Taamattumik Isumaqatigiissuteqartut anguniarpaat nunatsinni aqqusemit pillugit inoqarfiillu akornanni aqqusinniormissat pillugit ingerlatsivimmik pisortaqaqfeqalernissaa.

Kangerlussuup Narsarsuullu siunissaat pillugit kommunit peqatigalugit aalajangiisoqassaaq, tassungalu atatillugu namminersorlutik inuussutissarsiteqartut suliaasanik tigusisinnaanerat ammaffigineqassalluni.

ANINGAASAQARNEQ

Nunatta pisuussutai suugaluartulluunniit inuiaqatigiit pigaavut. Pisuussutitta iluaqutigineqarnerat tunngaviussaaq aningaasarsiornikkut ineriartornitsinnut. Nunatsinni inuussutissarsitit isuman-naasut arlariissillugit ineriartortissavagut.

Nunatsinni aningaasarsiornikkut ingerlatsinermi anguniarneqassaaq nunatta aningaasatigut kiffaanngissuseqalernissaa. Tamanna anguniarneqassaaq nunap iluani avammullu tunisassiornerup pimoorullugu ineriartortittuarneratigut. Aningaasarsiornikkut ingerlatsinermi innuttaasut inuuniarnikkut atugarisaasa isumannaatsuunissaat pitsanngorsartuarnissaallu anguniassavarput.

Nunatsinni tunisassioq inuussutissarsiornerlu nunat tamalaat akornanni unammillersinnaasaria-qarpoq aammalu sapinngisaaq naapertorlugu aningaasartuutitigut unammillersinnaasunik atugassaqaq-artisisariaqarluni.

Nunatta immikkoortui tamarmik aningaasarsiornikkut ineriartornissamut periarfissaqartittaria-qarpavut, nalilinnik pilersitsiviusut salliutillugit aammalu kommunit aningaasarsiornikkut ineriartortitsinissamut periarfissaat annertusarlugit.

Kalaallit Nunaata Danmarkillu akornanni aningaasat ingerlaarnerat pillugu nassuiaammik suliaqarto-qassaaq Inatsisartunut saqqummiunneqartussamik.

Nalilinnik nalikinaaraluni annissuinninnissamik (transferpricing) inatsisiliorqoqassaaq.

AKILERAARUTIT AKITSUUTILLU

Suliffeqarfinnut namminersortunut akileraarut appartinneqassaaq nunatsinni suliffinnik pilersitsi-nissap omiginartuunissaa eqqarsaatigalugu, nunattalu nunanut sanilerisatsinnut suleqatigisatsinnullu unammillersinnaassuseqartuarnissaa anguniarlugu. Ilanngullugu nalikilliisarnermut atugassariti-taasut naleqqussarneqassapput.

Suliffeqarmermi ilanngaat 2020-imiit aallartittumik eqqunneqassaaq isertitakinnernut akunnattumillu isertitaqartartunut annertusiartuaartumik iluaqusiisumik.

Illuutinut Inissiaatinullu iluarsaassinermut aningaasartuutit akileraarutitigut ilanngaatigineqartar-sinnaanerat misissorneqassaaq.

peqatigiiffinni sulinermi ilanngaammik eqqussisoqarnissaanut periar-fissat misissorneqassapput, tassanilu timersornermut, kulturimut, isumaginninnermut pinaveersaar-titsinermullu siunertaqartuni peqatigiiffinni sulineq akileraartarnikkut iluaquserneqartassaaq.

SULIFFEQARNEQ

Inuusuttut inuussutissarsiutitigut ilinniagaqartut sapinngisamik amerlanerpaat sulilersinnissaat qulakkeerneqassappat suliffeqarfiit praktikkertunik sungiusartunillu amerlanerusunik tiguisalernissaat anguneqartariaqarpoq. Tamanna anguneqassappat suliffeqarfiit praktikkertunik sungiusartunillu tiguisarnerat pillugu inatsisitigut sinaakkutit aaqinneqartariaqarput.

ILINNIARTITAANEQ

Nunarsuarmi tamarmi sukkatsikkaluttuinnartumik ineriartorfiusumi nunatsinni innuttaasut ilinni- arluarsimallutillu qaammaasaqarluartuunissaat naalakkersuisooqatigiit pingaartilluinnarpaat. Tassa- mi naalakkersuinikkut, niuernikkut teknikkikullu ineriartornermi, nunattalu nunanik allanik sule- qateqarnerani ilinniartuorsimassuseq pingaaruteqaleraluttuinnartumik inissisimammat.

Nunatsinni ilinniarfeqarfiit nukittuut ataatsimoorfiusut pilersittarnerat ingerlateqqissavarput. Nunatsinni teknikkikkut Sisimiuni ilinniarfik nukittorsaqinneqassaaq teknikkikkut ilinniartitaanerit ingerlaqqiffiusut ilinniarneqarsinnaasunngorlugit, soorlu maskinmesteritut ilinniartitaasarneq aallartinneqassaaq.

Taamatullu inuusuttut tamarmik meeqqat atuarfianniit ingerlaqqittarnissaat qulakkeerniarlugu assassornikkut piginnaanillit teknikkikkut ilinniarnissamut periarfissinnissaat aqutissiuunne- qassaaq.

Kilisaatinik aalisarnikkut fabrikkinilu aalisakkerinikkullu maskiinat ilinniartitsissutigineqar- tarnissaat aqutissiuunneqassaaq.

Sisimiuni teknikkikkut ilinniarfiup piorsaavigineqarnissaa ukiunut arlalinnut ingerlasussanngorlugu pilersaarusiorneqassaaq.

ATUARFITSIALAK ILINNIARTITAANERLU ATAQATIGIISQ

Ullumikkut Atuarfitsialammi naammassisartut ikippallaarujussuarput malitsigisaanillu atuarfimiik naammassillutik ilinniarfinnut ingerlaqqittartut aamma ikippallaarujussuarlutik. Taassuma takutippaa immikkut iliuuseqarnissaaq avaqunneqarsinnaanngitsoq.

Naalakkersuisooqatigiit anguniarpaat, Atuarfitsialak ilinniartitaanerlu ataqatigiisooq pilersissallugu. Siunissami atuartut sapinngisamik tamarmik ingerlaqqittalernissaat anguniarlugu campusit aqqu- tugalugit GUX'ertalissapput inuussutissarsiutinullu ilinniarfinnut qinnuteqaqqaaratik ingerlaqq- ittalissallutik. Aaqquissuseqqinnerup malitsigissavaa, atuartut tamarmik siunnersorneqarluar- simallutik nukittuffimminnillu tapersorneqarluarsimallutik naammassisalissasut ilinniagaqarlutik suliffinni allagartaqarlutik atorsinnaasaminnik.

ILAQUTARIIT

Ilaqutariit inuiaqatigiinni qitiupput. Ilaqutariit pillugit politikikkissamik nutaamik pilersitsisoqassaaq. Tamatumani aamma nunani sanilerisatsinni misilittakkat iluatsilluartumik kinguneqarsimasut isumassarsiorfigineqassapput.

Ilaqutariit siunnersorneqarnissamik pisariaqartitsisut piaartumik ikiorneqartarnissaat naalackersuisooqatigiit aqutissiuutissavaat, taamaasiornikkut meeqqanik angerlarsimaffiup avataanut inissii-sarneq aamma annikillisarneqarsinnaaqqullugu. Ilaqutariit siunnersorneqartarnerat pitsaanerusunngorlugu ingerlaqqittariaqarpoq, tamatumunnga naammattunik ukiut tamaasa aningaasaliisoqartarnissaa qulakkeersimajuartariaqarpoq.

UTOQQAAT

Utoqqaat tunngaviusumik utoqqalinersiutiminnik ilanngaaffigineqaratik sulinerikkut isertitaqarsinnaaneratt aqqiivigineqassaaq, 2020-imiit aallartittumik. Utoqqaat tamarmik naligiimmik tunngaviusumik utoqqalinersiuteqalersillugit, saniatigut suliffeqarneq, katissimaneq, aappariinneq najugaqatigiinnerluunniit apeqqutaatinnagit.

Utoqqaat Illersuisuannik pilersitsinissaq sulissutigineqassaaq.

AALISARNEQ PINIARNERLU

Aalisarnikkut inuussutissarsiorneq nunatta nappatigaa, taamaattumillu ineriartortittuarnissaa naleqqussartuarnissaalu pisariaqarluni. Taamaattumik aalisarneq pillugu inatsisissap, sivisuumik attaneqarsinnaasup, Naalackersuisooqatigiit susasaqartullu nunatsinni naapeqatigiissutigineqarsinnaasumik suliaqassapput, inuiaqatigiinni annertunerpaamik iluaqusiisumik. Tamatumani ilanngulugu inuusuttut aalisartut periarfissaat pitsaanerulersinniarlugit sinaakkusersorneqassapput.

Nunatsinni aalisagartassat pisassiissutigineqartartut tamakkerlugit qaqinneqartarnissaat naalackersuisooqatigiit anguniarpaat, taamatullu aalisakkat tamakkiisumik atorluarneqarnissaat qulakkeerneqartassalluni aamma allaffissornikkut sullissinermi pisariaqanngitsumik aporfuilersartut aqqiivigineqarnissaat Naalackersuisooqatigiit sulissutigissavaat.

Nunatta sineriaa tamarmi aalisarnikkut aqutsiveqarfinnut immikkoortiterneqassaaq, tassanilu sapinngisamik aalisakkat amerlanerpaat pillugit pisassiisoqartassalluni. Umassusilinnik siunnersuisartut pisassat annertussusaannik innersuussuteqartassapput, tassanilu aqutsiviit nutaat ilanngullugit siunnersuisoqartassaaq.

Nunatta Islandillu akornanni imartatsinni pisassiissutigineqartartut nutaamik aalajangiiffigineqarnissaat Naalackersuisooqatigiit siunniuppaat – pisassiissutini tamani naligiinnerusumik inissikiartuaarnissaat angujumallugu. Ilisimatuussutsikkut misissuinerit annertusineqassapput tamatumani aalisartitseqatigiiffiit pisassinneqartut tamarmik aamma pisussaaffilersorneqartalissapput.

Aalisakkanik ikerinnaasiortunik pisassiisarnermi pisassiissutit amerlanerpaat aalisariutinut nunatsinneersunut pisassiissutigineqartassapput, aalisagartassiissutigineqartunut naleqquttumik aalisariutitigut inerisaasoqarnissaa aamma aqutissiuunneqassaaq. Pisarineqartartut sapinngisamik naleqarnerpaatillugit avammut tunisassarineqartarnissaat qularnaarneqartassaaq.

Aqumiut kalaallit aalisariutini kilisaatinilu amerlanerulernissaat anguniarlugu naalackersuisooqatigiit aalisarnermik inuussutissarsiuuteqartunut isumaqatigiissusiornissaq sulissutigissavaat, aqumiut nunaqavissut aqqiissuussaasumik ilinniartinneqartarnissaat piviusunngortinniarlugi.

Aalisarnermik piniarnermillu inuussutissarsiutigalugu allagartaqartarnek naalackersuisooqatigiit nutarterniarpaat.

Aalisarnermut siunnersuisarfiup sinerissami immikkoortortaqaqarfeqalernissaa aamma Pinngortitaleriffiup Avannaani immikkoortortaqaqarfeqalernissaat naalackersuisooqatigiit sulissutiginiarpaat.

Piniakkanik atuneq piujuaannartitsineramik tunngaveqarluni ingerlanneqassaaq, kinguaariit pinia-gassaqartuarnissaat qulakkeerniarlugu siunissamilu piniartutut inuuniuteqamerup ingerlaqqissinnaa-nera tassuunakkutaaq qularnaarniarlugu. Tamannalu anguniarneqassaaq pisuussutit uumassusillit nerisareqatigiiaat aallaavigalugit illersuinikkut.

Kalaaliminernik tunisassiortarnerup ineriartortittuarnissaa naalackersuisooqatigiit sulissutiguassa-vaat, nunatsinni immitsinnut inuussutissatigut pilersornerunissarput piviusunngortitsiviusumik ingerlanneqarnissaa. Taamaammat naalackersuisooqatigiit pingaartippaat kalaaliminernik tunisas-siornerup ineriartortittuarnissaa.

AALISAKKAT SULIAREQQINNERI

Naalackersuisooqatigiit siuttuuffigissavaat aalisakkat, qaleruallit, suaat il.il. amerlanerit inereerlugit nunatsinni tunisassiarineqartarnissaat.

Taamaattumik Aalisakkerineramik Ilinniarfissap piviusunngortinnissaa naalackersuisooqatigiit naammassillugu suliariniarpaat, piaartumik aallartinnissaa siunertaralugu.

Aalisakkanik tunisassiornermi tunisassianik inerisaavissap aammalu tunisassiat inereerlugit suliarinnittarfissap Paamiuni Suliffissuaq atorluarlugu Naalackersuisooqatigiit tunisassiortut peqatigalugit pilersinnissaa sulissutiginiarpaat.

IMMINUT PILERSORNEQ

Naalackersuisooqatigiit anguniarpaat nunatsinni annertunerusumik sutigut tamatigut (nukissiuu-teqarnikkut, nerisaqarnikkut, imeqarnikkut, uumasuuteqarnikkut, naatitanik pilersorsinnaanikkut il.il.) imminut pilersorsinnaanerup annertusartuarnissaa.

AATSITASSARSIORNEQ UULIASIORNERLU

Nunatta pisuussutaanut tamanut oqartussaanerput kiisalu pisuussutitut uumaatsunut tamanut oqartussaaneq namminersorneq pillugu inatsimmi aalajangersarneqarput.

Aatsitassarsiorneq uuliasiornerlu aallartinneqartussaattillugit aatsitassat pillugit inatsit malinneqar-tussaavoq, taamatullu saffiugassat qaqutigoortut qinngornillit ilanngullugit piiarneqartussaattillugit.

Aluminiumik aatsitsivimmik pilersitsinissamut periarfissat misissorneqarnissaat Naalackersuisoo-qatigiit ammaffigivaat, tamanna nunatsinni avatangiisit pillugit piumasaqaatitsinnut eqquutsitsippat.

ANGERLARSIMAFFEQANNGINNEQ

Partiit Naalackersuisooqatigiit sulissutigissavaat innuttaasut inissamik inner-suunneqartarnerat ilanngullugu inissiat pillugit iluarsartuussinermi kommunit peqatigalugit suliarineqassasoq.

QARASAASIAQARFISSUIT

Nunarsuarmi sumiiffinni arlalinni qarasaasiaqarferujussuit eqiteruffiinik peqarpoq. Taakku innaallagissamik annertooujussuarmik pisariaqartitsipput. Innaallagissallu pilersinnissaa tamatigut avatangiisinut innarlitsaaliuisuuneq ajorpoq, taamaattumillu nunatsinni erngup nukinganik peqqumaa-teqarnitsigut periarfissavut atorluartariaqarpagut.

Nunarput qarasaasiaqarfissuit eqiteruffiannik ataatsimik arlalinnilluunniit inssiiffigissallugu maanna periarfissaqalereerpoq, tassami immap naqqatigut qarasaasiatigut attaveqaat Nunatta, USA-p Europallu akornanni pilersinneqareerpoq.

ATTAVEQAATIT

Immakkut kabelersuup piginnaasaa tamakkersortinneqassaaq, aningaasaliissutit inuiaqatigiinnut iluaqutaaqqullugit, taamaattumik kabelersuup Nunavummut Nunavimmullu ikaartinneqarsinnaanera misissorneqassaaq.

Kabelersuup piginnaasaata avammut tuniniarsinnaanera ammaanneqassaaq.

TIMERSORNEQ

Inuiaqatigiit timikkut anersaakkullu peqqissut pilersinneqassapput, innuttaasunut timersornikkut periarfissat annertusarneqarnerisigut. Peqqinnissaqarfimmu aningaasaliissutit misissorneqassapput aningaasaliissutit sullitanut siunertaqartunut atorneqalerniassammata aammalu allaffissornermut aningaasartuutikillisaasoqarluni.

Meeqqanik inuusuttunillu sungiusaasut aqutsisullu pitsaanerusunik atugassaqaarnissaat Naalakkersuisooqatigiit aqutissiutissavaat. Meeqqat inuusuttullu sunngiffimmini peqqinnartunik sammisaqarsinnaassapput timersorneruppat, kulturikkut sulineruppat, inuusuttunulluunniit sammisaqartitsineruppat, soorlu nipilersornerit assigisaallu. Sunngiffimmi ilinniartitsinerit nukittorsarneqassapput. Nunatta erfalasua atorlugu OL-mi nunarsuarmioqatillu unammiaarnerini allani peqataasoqarsinnaalernissaa naalakkersuisooqatigiit anguniarpaat.

Timersornernermut aningaasaliissutit naapertuunnerusunngorlugit qaffatsinneqassapput.

AVATANGIISEQ

Naalakkersuisooqatigiit anguniarpaat sulissutigiuassallugulu nunatta avatangiisittalu mingutsitsinermut suusunulluunniit illersorneqarnissaa, tamannalu anguniartuarneqassaaq ataani allassimasut tunngavigalugit:

Nunatsinni qitiusumik eqqakkanut ikuaallaasarfissuaqalersinnaaneq misissorneqassaaq, ikuaallaasarfissuaq nukimmik annertuumik pilersuisoqarsinnaasumiittussaammat.

Avatangiisit pillugit aningaasaateqarfik pilersinneqassaaq.

ILISIMATUSARNEQ

Nunani tamalaani ilisimatusarnermi nunarput pingaarutilerujussuarmik inissisimavoq, taamaammat Naalakkersuisooqatigiit sulissutiginiarpaat nunatta nunarsuarmioqatigiinni annertusiartortumi ilisimatusarnikkut peqataanissaa.

Nunanit allaniik nunatsinnut ilisimatusariartortartut nunarsuatsinni pingaaruteqartumik iluaqutaapput nunatsinnullu aamma ilisimalikkat iluaqutaanissaat pingaaruteqartorujussuuvoq taamaattumik naalackersuisooqatigiit pingaartippaat, ilisimasani katersuivissap piaartumik naammassineqarnissaa aningaasallu ilisimatusarnermi pisariaqartinneqartut qulakkeerneqarnissaat.

Ilisimatusarnerup iluani nunatsinnut soqutiginnittut amerliartuinnarnerisa kinguneraat ilisimatusartunut inissat suli amerlanerusut pisariaqartinneqarnerat tamannalu naalackersuisooqatigiit suli annertusaaffigeqqinniirpaat, aammattaaq naalackersuisooqatigiit ilisimavaat Ilisimatusarfiup allilemeqarnissaa pisariaqartinneqartoq tamannalu anguniarlugu naalackersuisooqatigiit sulissapput.

SILAP PISSUSAATA ALLANNGORIARTORNERA

Naalackersuisooqatigiit silaannaap pissusaata allanngoriartornerata Nunatsinni inuunermut assigiinngitsorpassuartigut sunniuteqariartuinnarnera eqqumaffigilluinnarpaat. Avaqqunneqarsinnaanngitsumik kultuurikkut, inuussutissarsiornikkut, sanaartornikkut angallannikkullu pissutsit sukkaasuumik allanngoriartorput. Aatsaat taama pilersaarusiorluakkamik ingerlatsinissaq sutigut tamatigut pingaartigilerpoq.

Naalackersuisooqatigiit Isumaqaatigiissutaat atuutilerpoq ulloq 2. oktober 2018.


Siverth K. Heilmann
Atassut


Kim Kielsen
Siumut


Vittus Qujaukitsoq
Nunatta Qitormai